

Ardi-mozte Txapelketa Orzaizeko ikastola laguntzeko

■ Gaur bigarren aldikotz egingo da lehiaketa

Lutxi Fourcade / Ortzaize

DIRULAGUNTZA biltzeko esperantzaz, ikastoletako gurasoek irudimen marka guztiak gainditu dituzte aspaldi. Bazkaria, afaria, dantzaldia, kantaldia, aukera guztiak baliagarri dira diru pixka bat biltzeko, eta hortzez eta haginez ikastoletako gurasoak lanean ari dira euskarazko hezkuntza sistema ziurtatzeko. Orzaizeko ikastolak urteko besta ospatuko du gaur, eta bigarren aldikotz Ardi-mozte Txapelketa antolatuko du.

Nahiz eta elkarretaratzea arrakastatsua izan lehen, horrelako zeingehiagokak desagertu dira Ipar Euskal Herrian. Mugaz bestaldean baidarik ez dira egiten, eta hainbat urepeldarrek edo bankarrek muga zeharkatu behar dute beren trebetasuna frogatzeko. Aspaldiko ohitura berpizteko, Orzaizeko ikastolak lehen lehiaketa antolatu zuen iaz, eta xarmanki iragan zen. Goi mailako partaideak bildu zituen eta sari ederrak eskaini irabazleei.

Aurtengo egitaraua mami-tsuago izanen da, eta ardienginguruko animazioak eskainiko dituzte egun osoan. Ardi-mozte Txapelketa izateaz gain, ardi-txakur saltzea denek irekia izanen da. Bestalde, ardi tropa hoberenen erakusketa egingen du, Urdiñarbeko ardi zentroak antolaturik. Ilea mozteko tresnak, joare edo bazkatzeko tapizak ikusgai izanen dira arditegiakotz tresna erakusketan, eta artilea edo larrua baliatzeko molde bereziak zabalduko dituzte hainbat artisauk.

Ikastolaren besta antolatzeari beharrezkotzat jo zuten gurasoek dirua biltzeko. Izan ere, tokiaren arazoari buru egiteko ikastolako gurasoek eraikin berria altxatu zuten Orzaizen. Emeki bada emeki, ikastola berria sortu zuten, eta gaur egun haraneko 64 haur biltzen ditu. Alabaina, laster beste eraikin bat altxatu beharko dute tokiaren eskasarengatik.

Ikastolak ez du sekulan inolako laguntzarik jaso erai-kuntza berria egiteko. Botere publikoek ukatu zuten laguntza ematea, eskola pribatua zela argudiatuz. Hala ere, ikastolako gurasoek ez zuten amor eman, eta 550.000 liberako mailegua egin zuten bi bankutan (12.500.000 pezeta inguru). Geroztik, 110.000 libera bildu behar dute urtero mailegua ordaintzeko eta gurasoen eta laguntzaileen emaitzak biltzeaz gain, beste diru iturri batzuk aurkitzea beharrezkoa da. Urteko besta izanen da hitzordu garrantzitsua dirua biltzeko, eta denen laguntza eskatu zuten gurasoek. X

Ibilaldi zabal-zabala

Denok gozatu ahal izateko modukoa izango da aurtengo Bizkaiko ikastolen jaia

Milaka lagun ingururako dira gaur Leioara, Bizkaiko ikastolen aldeko jaira. 'Beti-betiko euskara bizirik' leloa du aurtengo Ibilaldiak, eta marka guztiak hautsi ditzakeela adierazi dute antolatzaileek, aurreko ekitaldietan baino jaigune gehiago —zortzi— eta inoiz baino egitarau zabalagoa prestatu baitituzte, adin eta jite guztietako jendeari begira.

Erredakzioa / Bilbo

JENDETZA espero dute Leioan. «Ehun mila pertsona kopuru handia da, baina aukerak badaude horrenbeste jende etortzeko», zioskun Josu Bolunburu Ibilaldiko koordinatzaileak. Aldaparik gabeko asfaltozko ibilbidea da, 7,8 kilometrokoa, eta zirkuitufik hurbil metroko bost geltoki daudenez, Bilbo eta inguruetakoei garraio zerbitzu hori erabiltzeko deia egin dute antolatzaileek. Gainera, Ibilaldia dela medio, zerbitzua areagotu egingo du gaur Metro Bilbao konpainiak eta maizago pasatuko dira trenak: hiriburuko Parte Zahararren eta Bidezabalen artean bost minuturo, goizeko 10:00etatik gaueko 22:00etara; Parte Zahararren eta Larrabasterraren artean hamar minuturo, eta Parte Zahararren eta Plentziaren artean 20 minuturo.

Bestalde, EuskoTrenak aldatu egingo du Getxo eta Bilbo arteko autobus zerbitzuaren ibilbidea. Hala, autobusak Sabinõ Aranan, Etxekoa tabernaren aurrean, Antigu Golfen eta Ardillasen geldituko dira, eta ez, ohi dute-nez, Leioa-Ikean, Iparragirre kalean eta Artatzan.

Bizkaitik eta Bizkaitik kanpo datozenek begira, autobus eta autoentzako aparkalekuak ere



Jende andana espero dute gaur Bizkaiko ikastolen aldeko festan.

MARISOL RAMIREZ

prestatu dituzte, EHuko Leioako kanpusean inguruan eta Leioa eta Getxo ondoko ikastetxeetan. Izan ere, gaurko Ibilaldiak Uribe-Kostako Leioa eta Getxo udalerriko Neguri auzunea batuko ditu.

Lehenengo gunea Betiko ikastolaren ondoan egongo da; bigarrena Txorierrri auzoan; hirugarrena Ondiz inguruan; laugarrena Etxebarrieta auzoan; bosgarrena Sarrietan; seigarrena Perurin; zazpigarrena, berriz, Negurin izango da, eta zortzigarrena Artatzan.

59 talde zortzi guneean • Ekitaldi berriak eta betikoak uztarri berean bilduko ditu Ibilaldiaren XIX. ekitaldi honek: musika, dantza, bertsoak, antzerkia, pailazoak... osagai erakargarri mordoa. Zenbakitan esango dugu: 59 talde ariko dira guztira zortzi

guneean, 12 erakusketa izango dira, 26 txosna eta 76 jolastoki.

Goizeko bederatziatan ibilbidea irekitzen den unetik arratsaldeko ordu bietara bertsolari, dantza, herri kirol eta antzeko ekitaldiez gozatzeko aukera izango da; umeentzako prestatutako gunean, esate batera, bertsolari txikien emanaldia izango da 12:00etan hasita. Behin ordu bi eta erdiatetik aurrera, berriz, musika izango da nagusi eszenatoki guztietan: Kamaran-bai folk taldea, Erramun Martikorena, Zubipeko Swin, Trabuko, Exkixu, Iguana y Los Jumiles —Ibilaldiko kantua egin duena— eta Gozategi, besteak beste. Bat bestearrekin zerikusirik ez duten taldeak dira, entzuleen aniztasunari erantzuteko moduan.

Baina denok gozatu ahal izateko moduko egitarau honen ba-

rruan bada bestelako aipagarri-rik ere. Batetik, doktore tesia euskaraz egin duten ikasle guztiei omenaldia egingo zaie, euskararen normalkuntzan egindako ahaleginaren sari gisa. Bestetik, aurtengo Ibilaldiak, lehenengo aldiz, espreski festarako egindako lekukoa izango du, eta gaur, egun osoan, eskuz esku ibiliko da ibilbidean; hori bai, euskaraz ari direnen artean.

Datozenak datozela ere, euskaraz hitz egin dezaten besterik ez diete eskatzen Leioako Betiko ikastolako ikasle-irakasleek eta antolatzaile lanetan laguntzaile izan dituztenek. Izan ere, estatistiken arabera, apenas entzuten den euskararen oihartzuna eskualde honetan, eta euskararen erabileraren aldeko aldarrikapena izan nahi du Ibilaldiak, Betiko ikastolarentzat dirua biltzeko topagune izatearekin batera. X

EUSKO JAURLARITZA

HEZKUNTZA, UNIBERTSITATE
ETA IKERKETA SAILA



GOBIERNO VASCO

DEPARTAMENTO DE EDUCACIÓN,
UNIVERSIDADES E INVESTIGACIÓN

1997/98 IKASTURTEAN EAE-ARENTZAT INTERESGARRI DIREN GAIETAN ATZERRIAN ESPEZIALIZAZIO IKASKETAK EGITEKO BEKAK

1997ko maiatzaren 23ko E.H.A.A.

PROGRAMA HONEN XEDEA:

Unibertsitateko goimailako titulua dutenen espezializazioa erraztea du helburu programa honek, deialdian aipatzen diren interes arloetan hain zuzen ere, araupeko irakaskuntzaren bitartez atzerrian eskaintzen diren espezializazio ikasketak eginez burutuko da hori.

ESKABIDE ORRIAK ETA DEIALDIAREN OINARRIAK:

Zientzi Politikarako Zuzendaritzan, Eusko Jaurlaritzaren Hezkuntza Lurralde Ordezkaritzetan, UPV-EHuko Ikerkuntza Errektoreordetzan, Arabako eta Gipuzkoako Campusetako Errentoreordetzetan, Deustuko Unibertsitateko Ikerkuntza Erektoreordetzan eta Unibertsitateko Ikerkuntza Errektoreordetzan eta Internet:
"http://www.ehu.es/invest/convGV/" helbidean.

ESKABIDEAK AURKEZPEKO EPEA:

1997ko ekainaren 12ra arte.

EUSKO JAURLARITZA



GOBIERNO VASCO

Hizkuntza Eskola Ofiziala
BILBO

1996-97 IKASTURTEKO AZTERKETA LIBREEN HASIERA

ALEMANIERA	Ekainak 9
GAZTELANIA	Ekainak 12
EUSKARA	Maiatzak 30
FRANTSESA	Ekainak 11
INGELESA	Ekainak 9
ERRUSIERA	Ekainak 10

Argibide gehiago Hizkuntza Eskola Ofizialeko iragarlekuan. Azterketa guztietara 2 zenbakiko arkatza, borragoma eta boligrafoa ekarri behar dira. Ordurako heltzea derrigorrezkoa da, bestela ez da sartzerik egongo. N.A.N. eta Eskolako karneta beharrezkoak dira azterketara aurkezteko.

Garrantzi handiko oharra:

Oinarritzko zikloa zein goi-zikloa gainditzen ez bada, eta hurrengo ikasturtean ikasle OFIZIAL moduan matrikulatu nahi izan ezker, azterketa libreko mailakotako emaitzak aintzat hartuko dira Eskola honetan ikasle ofizial lege zein mailatan matrikulatu jakiteko; maila bakoitzeko prezioak ordaindu behar dira.